

مکملہ ادبی و سیاسی رسالہ

❁ ادبی و سیاسی رسالہ اسبوعیہ در ❁

۳۱ بجی سنہ

۲ ربیع الآخر ۱۳۳۰

❁ پچشنبہ ❁

جزو عدد : ۱۳۸

حق !

بچن پنجشنبه دن اعتباراً حق ناميله يومى بر غزته اشاره باشلامشدر .
 غزته نك هم صاحبي و هم كنجي اولان ذات . ذاتاً عالم نشر يانده جيات فكر
 و لطافت اسلوبى ايله معلوم صغار و كبار اولدينى گي . اسمعريه تزيين ستون ايديلان
 (معاونين تحريريه) دخى گز يدكان معارفندان بر قافله شعر و انشا اولمسنه
 مبنى . هر برينك عنوان فضل و عرفانى هر مجتهد . هر زمانده زيور صحائف آثار
 و بناء عليه ماهيت ادبيه لرى آزاده قيد كفتاردر .
 غزته نك اسمنه كلنجه :

معلومدر كه (كلمه حق) معانى عديده يى محتوى اولمقله برابر . مدلول حقيقيسى
 كافه اقوام و افراد طرفندن دائماً ادعا ايديله كيديكى حالده دائماً تطبيقنده اغماض ايديلر .
 و دائماً كندى حسابمزه طالب حق اولديغز حالده آخرت منفعته تعلق ايدن احوالده
 على الاكثر متجانب حق بولنديغز اهل وجدان و انصاف اولانلر عندنده
 مسلدر .

ارباب حق و انصاف متفقاً اعتراف ايتمك لازم كلير ، كه بوكله نك گرك مفردى
 و كرك جمعى ، خصوصاً و خصوصاً جمعى ، معنى و ماده اك زياده سوء استعمال
 اولنمش الفاظ عدادينه ملحقدر .

حق نه در ؟ ثابت و متحقق اولان بر امر واجب الاتباعدر . كه يهوده و باطل
 آنك ضد كاملى اولدينى معلوم و محققدر .

نه چاره كه ظولوم و جهول صفترلرينه مظهر اولان انسان ، كلمه حقى سپر ايدينه رك

بر جوق باطلی ترویج والتزام و تعبیر آخرله (حق) لفظ جلیله صغینه رق اغفال
انام ایتمکده در .

اجرای حق ایچون پکر آدم حکومت
حقدن زیاده حکمنی اجرایه سعی ایدر

حق ، فصل و حکم و قضا اولمش امر و خصوصه اطلاق اولنور . عجبا
حق نامنه حسم و قضا ایدلمش مسائلده ، گمگشته وادی تباہ اولان حققر تعداد و حساب
اولنمشیدر ؟

حق ، عدل و داد افاده ایدر . کیم گوستره بیلیرکه ادعای حق و استدعای
عدل مطلق ایدن بر مظلومه . حقنی احقاق صورتیله بحق عدل و داد و بناء علیه
فریاد متظلمانه سنی اسکات یولنده حقیله امداد ایدلمش اولسون !
حق ، مال و ملکه اطلاق اولنور . حق بودر که نیجه مال و ملک اصحابی
ینه بونامه محروم ملک و مال ، یعنی حق صریحنه بحق معتقد اولانلرک حقنی بامال
ایدلمشدر .

حق ، موجود و ثابت و واقع و متحقق اولان شیئه اطلاق اولنور ، نفس الامر
مطابق قول و فعلدن عبارت و صدق و صواب ایله مفسردر .
عجبا ، وجود و ثبوتنه و وقوع و حدوثنه اقامه برهان ایدلمش و براهینی حقوق
مرعیه دن استنباط اولنمش نه قدر مسائل ، مجرد اعمال نفوذ ایله داخل عداد لاطائل
اولمشدر !

ایشته شاعرک بوقاریده ایراد ایتدیگمز قول منظومی بومعنایی ناطقدر .

*

حق غزته سی ، بوعنوانی انتخاب و اختیار یله عجبا
الحق یعلو ولا یعلی علیه

قضیه سنی اخطار و اق قوتله مواظ سیاسییه و مساسیه سنده حق کنندی طرفنده
بولندیغنی می اظهار ایتک ایستمشدر ؟

بزہ قالیرسہ بویله (prétentieux بالاپروزانه) عنوانر اعلائی حقندن زیادن
استہزای حقّی موجب اولسہ کرکدر .
بز ایستردک کہ :

« ایتمز طریق حقدہ اولان خلقہ سرفرو

اکمز منارہ قامتنی باد اسر سہدہ »

منہاج بلند اعتبارنہ سالک اولان سلیمان نظیف ، بوکلہیی حقلی حقسنز برچوق
مباحثہ مساعد اولان بر ورقبارہ عنوان ایدنمک دگل ، باطلی حق کوسترمک
ایستیانلرہ قارشئی :

« حق سویلیانی صائمہ فلکدن حذر ایلر »

صلاسیلہ جسارت سیاسیدہ دخی (انا الحق) دیان حق پرستان کبی قامتئای انفراد
اولغہ مستحق بولندیغنی اثبات ایتمش اولسون .

